



REPUBLIKA E KOSOVËS • REPUBLIKA KOSOVO • REPUBLIC OF KOSOVO  
KOMUNA E FERIZAJT • OPŠTINA UROŠEVAC • MUNICIPALITY OF FERIZAJ



REPUBLIKA E KOSOVËS • REPUBLIKA KOSOVO • REPUBLIC OF KOSOVO KOMUNA E FERIZAJT • OPŠTINA UROŠEVAC • MUNICIPALITY OF FERIZAJ		
AUTORIA E ADMINISTRATËS DHE PERSONELIT • UPRAVA ADMINISTRACIJE OSOBIJA		
Datë: / /	18 / 12 / 2024	
No. Orgj. / Org. jed.	No. Prot. / No. Prot.	No. Faqeve. / No. Strana.
01	363	8
Ferizaj - Uroševac		

<http://kk.rks-gov.net/ferizaj>

ZYRA - KABINETI I KRYETARIT  
KANCELARIJA - KABINET GRADONAÇELNIKA  
MAYOR'S OFFICE - CABINET

Tel: 038/200-46002  
E-mail: [info.ferizaj@rks-gov.net](mailto:info.ferizaj@rks-gov.net)  
Adresa: Rr. "Dëshmorët e Kombit" p.n.

## Procesverbal nga takimi i dytë publik i Kryetarit Agim Aliu

Me datën 13 dhjetor 2024 është mbajtur takimi i dytë publik i Kryetarit të Ferizajt, Agim Aliu, ndërsa kanë marrë pjesë drejtorë të drejtorive komunale, qytetarë, kryetarë fshatrave dhe bashkësive lokale, por edhe shoqëria civile dhe mediat.

Në këtë takim kanë marrë pjesë 52 qytetare prej tyre 15 femra dhe 37 burra.

Kryetari Aliu, duke i falënderuar pjesëmarrësit në këtë takim ka thënë se tha se kjo qeveri vetëm gjatë këtij viti ka pasur mbi 10 milionë euro obligime nga Kontrata Kolektive. Por, sipas tij pavarësisht gjitha vështirësive dhe sfidave që ka pasur me mjetet financiare është arritur që të realizohen edhe projekte të shumta të infrastrukturës.

Ai ka përmendur përrurimin e segmentit të parë të Nënkalimit të ri afër Stacionit të Policisë në Ferizaj, por edhe rikonstruimin e rrugës "Ahmet Kaçiku: në qendër të qytetit.

"Nisëm punimet për rikonstruktimin tërësor e zgjerimin e rrugës "Besim Rexhepi", nisëm punimet për rikonstruktimin tërësor të rrugës "Tahir Sinani" skaj hekurudhës në qendër të qytetit, me dinamikë të shtuar vijuan punimet për rikonstruktimin e rrugës mbi 4 kilometërshë Varosh- Gurëz, vijuan punimet në projektin me Ministrinë për rikonstruktimin tërësor të rrugës me gjatësi 1,8 kilometra - vazhdimi i rrugës "Rexhep Bislimi" me lidhjen në rrugën "Beau Biden" në drejtim të Gjilanit deri tek rreth rrotullimi që lidhet me autostradën "Arbën Xhaferi" në fshatin Bibaj, asfaltuam një shtresë të





REPUBLIKA E KOSOVËS • REPUBLIKA KOSOVO • REPUBLIC OF KOSOVO  
KOMUNA E FERIZAJT • OPŠTINA UROŠEVAC • MUNICIPALITY OF FERIZAJ



<http://kk.rks-gov.net/ferizaj>

ZYRA - KABINETI I KRYETARIT  
KANCELARIJA - KABINET GRADONAČELNIKA  
MAYOR'S OFFICE - CABINET

Tel: 038/200-46002  
E-mail: [info.ferizaj@rks-gov.net](mailto:info.ferizaj@rks-gov.net)  
Adresa: Rr. "Dëshmorët e Kombit" p.n.

rrugës "Cen Dugolli", por kemi bërë edhe asfaltimin e rrugëve në fshatra si në Varosh, Prelez të Jerlive, Pleshinë, Kosinë, Softaj, Fshat i Vjetër, Bibaj, Lloshkobare, Saraishtë, Mirash, Jezerc, Komogllavë, Greme, Prelez i Jerlive, Burrnik, lagjen Sallahane etj", ka thënë Kryetari Aliu.

Gjatë këtij takimi Kryetari Aliu, ka thënë se nxënësit e Gjimnazit të Shkencave Shoqërore-Gjuhësore "Dr. Shaban Hashani" si dhe nxënësit e shkollës "Elena Gjika" gjysmëvjetorin e dytë të vitit shkollor do t'a fillojnë në objektet e tyre të reja mësimore, duke thënë se i din vështirësitë me të cilat janë përballur nxënësit dhe mësimdhënësit e këtyre shkollave gjatë viteve të fundit. Ai ka përmendur përfundimin e objektit të ri shkollor të shkollës "Dy Dëshmorët" në Talinoc të Muhaxherëve, ndërsa ka theksuar faktin se vetëm gjatë këtij vitit janë ndarë 1080 bursa për studentët ferizajas. Poashtu u tha se janë mbajtur edhe trajnime dhe certifikime të nxënësve, por edhe të mësimdhënësve, si dhe renovimin e shumë objekteve shkollore që janë bërë këtë vit.

- Përfunduar objektin e ri shkollor të Gjimnazit të Shkencave Shoqërore-Gjuhësore "Dr. Shaban Hashani";

-Përfunduar objektin e ri shkollor të shkollës "Dy Dëshmorët" në Talinoc të Muhaxherëve;

- Për të katërtin vit me radhë, ndamë bursa studentore për të gjithë studentët aplikues, Vetëm në vitin 2024, ndamë bursa studentore për 1080 studentë ferizajas;

- Rreth 400 nxënës të shkollave fillore dhe të mesme, morën pjesë në programe e 180 prej tyre u certifikuan nga Qendra e Inovacionit dhe Ndërmarrësisë për fushat e nevojshme sipas tregut të punës;

- Zhvilluam trajnime profesionale për afro 400 mësimdhënës;

- Renovuam pothuajse në tërësi shkollën e fshatit Nikadin;





REPUBLIKA E KOSOVËS • REPUBLIKA KOSOVO • REPUBLIC OF KOSOVO  
KOMUNA E FERIZAJT • OPŠTINA UROŠEVAC • MUNICIPALITY OF FERIZAJ



<http://kk.rks-gov.net/ferizaj>

ZYRA - KABINETI I KRYETARIT  
KANCELARIJA - KABINET GRADONAČELNIKA  
MAYOR'S OFFICE - CABINET

Tel: 038/200-46002  
E-mail: [info.ferizaj@rks-gov.net](mailto:info.ferizaj@rks-gov.net)  
Adresa: Rr. "Dëshmorët e Kombit" p.n.

- Siguroam bashkë me Caritas-in Zviceran furnizimin e 4 klasëve me inventarë dhe mjete konkretizimi për nxënësit e ciklit parashkollor.
- Renovuam objektet shkollore dhe rregulloam oborret e këtyre institucioneve arsimore si në Gjimnazin "Kuvendi i Arbërit", shkollën "Gjon Serreqi", shkolla "Tefik Çanga", "Jeronim de Rada", "Vezir Jashari", shkolla "Afrim Abazi" në Sherret, Shkolla "Pjetër Bogdani", shkollat në Rakaj, Gaçkë, Bibaj, Sojevë, Zllatar, Fshati i Vjetër, Varosh, Komogllavë, Dremjak, Slivovë, Softaj, Sazli, Rahovicë, Mirosalë, Mirash, Prelez i Jerlive dhe shkollën e lagjes Omuraj në Greme etj.

Në këtë takim kryetari Aliu është ndalur edhe tek fusha e mjedisit dhe shërbimeve publike duke bërë të ditur përrurimin e objektit të ri të Kompanisë Rajonale të Mbeturinave "KRM Pastërtia", por edhe përfundimin e punimeve në objektin e ri të Stacionit të Autobusëve në Ferizaj, por edhe realizmin e shumë projekteve madhore.

- Përruam objektin e ri të Kompanisë Rajonale të Mbeturinave "KRM Pastërtia";
- Përfunduam punimet në objektin e ri të Stacionit të Autobusëve në Ferizaj;
- Intensifikuam punimet në zgjerimin dhe rregullimin e Parkut të Lirisë;
- Po vazhdojmë me punimet në projektin e masivit të gjelbërt, për rregullimin e Parkut tek Kodra e Sherretëve;
- Në lokacionin e deritanishëm të KRM "Pastërtia", nisëm rregullimin e Parkut të ri në zonën e qytetit;







REPUBLIKA E KOSOVËS • REPUBLIKA KOSOVO • REPUBLIC OF KOSOVO  
KOMUNA E FERIZAJT • OPŠTINA UROŠEVAC • MUNICIPALITY OF FERIZAJ



<http://kk.rks-gov.net/ferizaj>

ZYRA - KABINETI I KRYETARIT  
KANCELARIJA - KABINET GRADONAČELNIKA  
MAYOR'S OFFICE - CABINET

Tel: 038/200-46002  
E-mail: [info.ferizaj@rks-gov.net](mailto:info.ferizaj@rks-gov.net)  
Adresa: Rr: "Dëshmorët e Kombit" p.n.

- Nisëm procedurat për emërtimin e sheshit në qendër të qytetit me emrin e simbolit të rezistencës "Adem Demaçi" -Ferizaj u përzgjedh komunë pjesëmarrëse në Kongresin e Qyteteve të Gjelbërta, Utrecht të Holandës;
- Ferizaj, u rangua i pari nga komunat e mëdha me performancën më të mirë në menaxhimin e mirëmbajtjen e hapësirave publike të gjelbërta;
- Shtuam intensitetin e punës në mirëmbajtjen e hapësirave publike përmes kompanive publike dhe blerjen e kontejnerëve të rinj;
- Vijuam punën në rregullimin dhe mirëmbajtjen e varrezave në qytet.

Kryetari Aliu është ndalur edhe në fushën e financave, zhvillimit ekonomik e turizmit, duke theksuar faktin se Ferizaj u zgjodh e para dhe e vetmja nga komunat e mëdha për transparencë buxhetore komunale për vitin 2023 nga Instituti GAP.

- Ferizaj u zgjodh e para dhe e vetmja nga komunat e mëdha për transparencë buxhetore komunale për vitin 2023 nga Instituti GAP;
- Po vijojmë me investimet në rregullimin e hapësirave në masivin e gjelbër të zonës turistike Neredime-Jezerc ku bëmë rregullimin e fushës së sportit tek "Bashkimi i dy lumenjve;
- 51 biznese të udhëhequra nga gratë, start-up dhe mikrondërmarrje mbështetëm këtë vit me grante përmes Drejtorisë së Zhvillimit Ekonomik;
- Hartuam Strategjinë për Zhvillimin Ekonomik Lokal për vitet 2024-2034;
- Mbajtëm Panairin Artizanal dhe Konferencën e Donatorëve;







REPUBLIKA E KOSOVËS • REPUBLIKA KOSOVO • REPUBLIC OF KOSOVO  
KOMUNA E FERIZAJT • OPŠTINA UROŠEVAC • MUNICIPALITY OF FERIZAJ



<http://kk.rks-gov.net/ferizaj>

ZYRA - KABINETI I KRYETARIT  
KANCELARIJA - KABINET GRADONAČELNIKA  
MAYOR'S OFFICE - CABINET

Tel: 038/200-46002  
E-mail: [info.ferizaj@rks-gov.net](mailto:info.ferizaj@rks-gov.net)  
Adresa: Rr. "Dëshmorët e Kombit" p.n.

Ndërsa sa i përket fushës së shëndetësisë dhe mirëqenies sociale, Kryetari Aliu ka përmendur ndërtimin e dy objekteve të Qendrës Kryesore të Mjekësisë Familjare, bashkëfinancim me MSH, si dhe në ndërtimin e Qendrës së Mjekësisë Familjare nr. 2 në rrugën "Remzi Hoxha" bashkëfinancim me organizatën Qatar Charity.

- Avancuam punimet në ndërtimin e objektit të ri të Qendrës Kryesore të Mjekësisë Familjare, bashkëfinancim me MSH;
- Avancuam punimet në ndërtimin e Qendrës së Mjekësisë Familjare nr. 2 në rrugën "Remzi Hoxha" bashkëfinancim me organizatën Qatar Charity;
- Përfunduam ndërtimin e objektit të ri të Qendrës së Mjekësisë Familjare në Prelez të Muhaxherëve, projekt në bashkëpunim me shoqatën "Qëndresa Kosovare";
- Vumë gurthemelin e objektit të ri të Qendrës së Mjekësisë Familjare në Koshare;
- Hapëm Bibliotekën dhe Muzeun në kuadër të Qendrës Kryesore të Mjekësisë Familjare ;
- Blemë 2 autoambulanca të reja për nevojat e Qendrës Kryesore të Mjekësisë Familjare duke rritur cilësinë e shërbimit dhe shpejtësinë e reagimit në raste emergjente si dhe dhe 2 karrige stomatologjike për QMF në Prelez të Muhaxherëve dhe Neredime;
- Në bashkëpunim me shoqatën "Qëndresa Kosovare" pajisëm Qendrën e Mjekësisë Familjare në Prelez të Muhaxherëve me autoambulancë, pajisje laboratorike, EKG, sistem të ngrohjes qendrore etj.
- Bashkfinancuam me organizatën AQH për blerjen e laboratorëve mjekësor për QMF në Neredime dhe Pleshinë.





REPUBLIKA E KOSOVËS • REPUBLIKA KOSOVO • REPUBLIC OF KOSOVO  
KOMUNA E FERIZAJT • OPŠTINA UROŠEVAC • MUNICIPALITY OF FERIZAJ



<http://kk.rks-gov.net/ferizaj>

ZYRA - KABINETI I KRYETARIT  
KANCELARIJA - KABINET GRADONAČELNIKA  
MAYOR'S OFFICE - CABINET

Tel: 038/200-46002  
E-mail: [info.ferizaj@rks-gov.net](mailto:info.ferizaj@rks-gov.net)  
Adresa: Rr. "Dëshmorët e Kombit" p.n.

Numri një i qytetit të Ferizajt, Agim Aliu , është ndalur edhe tek fusha e bujqësisë ku u përkrahën dhe u mbështeten si asnjëherë më parë bujqit dhe fermerët ferizajas me pajisje dhe mekanizëm bujqësor.

- 180 fermerë përfituan mekanizëm bujqësor;
- 100 fermerë kultivues të perimeve në serra dhe jashtë tyre i pajisëm me motokultivatorë;
- 62 bletarë përfituan centrifuga, këmisha dhe tymuese;
- 40 fermerë kultivues të perimeve në serra dhe jashtë tyre përfituan spërkatëse;
- 39 pemëtarë përfituan spërkatëse profesionale;
- 20 bletarë përfituan pajisje që përbëjnë sistem mbrojtës të bletishteve nga kafshët e egra;
- Bëmë kompensimin e dëmeve në bujqësi për 70 fermerë;
- Furnizuam 8 pikat ushqyese të qenve endacak me ushqim dhe ujë të pijshëm;





REPUBLIKA E KOSOVËS • REPUBLIKA KOSOVO • REPUBLIC OF KOSOVO  
KOMUNA E FERIZAJT • OPŠTINA UROŠEVAC • MUNICIPALITY OF FERIZAJ



<http://kk.rks-gov.net/ferizaj>

ZYRA - KABINETI I KRYETARIT  
KANCELARIJA - KABINET GRADONAČELNIKA  
MAYOR'S OFFICE - CABINET

Tel: 038/200-46002  
E-mail: [info.ferizaj@rks-gov.net](mailto:info.ferizaj@rks-gov.net)  
Adresa: Rr. "Dëshmorët e Kombit" p.n.

Aliu ka folur edhe për kulturën, rininë dhe sportin, duke thënë se tashmë ka përfunduar projekti zbatues dhe është shpallur procedura e prokurimit për stadiumin e ri futbollistik " Ismet Shabani".

"Lidhëm memorandumit dhe bashkëpunimit dhe bashkëfinancimit me Ministrinë e Kulturës, për vazhdimin e punimeve në ndërtimin e Pallatit të Kulturës, shënuam suksese kulminante sportive, si fitues të Superkupës së Kosovës me Klubin e Hendbollit të Femrave "Ferizaj", po ashtu Fitues të Kupës së Federatës në volejboll me ekipin "Fer Volley" në kategorinë e femrave dhe Klubin e Volejbollit "Ferizaj" në kategorinë e meshkujve, përfaqësuam Ferizajn në Paradën e Shqiptarëve në Tiranë më rastin e Festave të Nëntorit me pjesëmarrjen e grupeve artistike, sportive, mantelbardhëve dhe zyrtarëve institucional nga Komuna e Ferizajt, Ansambli Artistik i Këngëve dhe Valleve "Kastriotët" i Ferizajt me pjesëmarrjen në Festivalin Folklorik Mbarëkombëtar "Jehona e Vjosës" i sollti Ferizajt dy çmime të rëndësishme - Çmimin "Ansambli më i mirë" dhe "Instrumentisti më i mirë", si dhe organizuam ngjarjet kulturore identitare të Ferizajt si Festivali i Teatrove - Edicioni 54, Festivali "Kosovarja Këndon" që paraqesin vlera të trashëgimisë shpirtërore kombëtare", është shprehur Aliu.

Kryetari Aliu si sfide gjatë këtij takimi ka përmendur obligimet financiare nga Kontrata Kolektive si dhe mungesën e mbështetjes me projekte nga Qeveria e Republikës së Kosovës.

Pas fjalës së Kryetarit, të pranishmit në sallë kanë falënderuar këtë të fundit për të gjitha investimet që janë bërë gjatë këtij vitit, ndërsa kanë parashtruar edhe një varg kërkesash për projekte të tjera për vitet në vazhdim.







REPUBLIKA E KOSOVËS • REPUBLIKA KOSOVO • REPUBLIC OF KOSOVO  
KOMUNA E FERIZAJT • OPŠTINA UROŠEVAC • MUNICIPALITY OF FERIZAJ



<http://kk.rks-gov.net/ferizaj>

ZYRA - KABINETI I KRYETARIT  
KANCELARIJA - KABINET GRADONAČELNIKA  
MAYOR'S OFFICE - CABINET

Tel: 038/200-46002  
E-mail: [info.ferizaj@rks-gov.net](mailto:info.ferizaj@rks-gov.net)  
Adresa: Rr. "Dëshmorët e Kombit" p.n.

Faton Sopi, në këtë takim ka kërkuar që të bëhet rregullimi i rrugës "Nora Kelmendi" në Ferizaj.

Fadil Liopovica, kërkoi që të jetë më funksionale Qendra e Mjekësisë Familjare më Softaj, si dhe të bëhet rregullimi i rrugës Rahovicë-Softaj.

Flamur Sallahu, ka kërkuar që të këtë më shumë hapësira të gjelbërta në qytetin e Ferizajt.

Dashurije Ahmeti, ka kërkuar që kryetarë të lagjeve dhe zonave rurale të këtë më shumë femra.

Mexhid Ramusa, kur pritet që Ferizaj të pastrohet nga mbeturinat.

Kërkesave të qytetarëve ju janë përgjigjur drejtorët e pranishëm në sallën e Kuvendit të Komunës, drejtor i infrastrukturës, Meriton Hajdini, Kemajl Emmini drejtor i DSHM-së, drejtori i pronës Sabri Murseli si dhe drejtorja e kulturës, Xhemile Murtaç-Shabani.

Procesmbajtëse

Shyhrete Topalli

